

Naalakkersuisut Siulittaasuat  
Formand for Naalakkersuisut



Inatsisartunut ilaasortaq Aleqa Hammond  
Inatsisartut Allattoqarfiat  
Maani

Inatsisartunut ilaasortamit Aleqa Hammond-imit § 36, imm. 1 naapertorlugu  
apeqqummut akissuteqaat.

Inatsisartunut ilaasortaq Aleqa Hammond ulloq 3. september 2009  
Naalakkersuisuni Siulittaasumut apeqquteqarsimavoq ulloq 18. juni 2009-mi TV  
avisen-imi ilanngussaq pillugu. Apeqqut ilanngunneqarpoq.

Apeqqutigineqartukku tunngavilersuutigineqartukkulluunniit  
takuneqarsinnaanngilaq, oqaaseqaatigineqarsimagunartut aalajangersimasut sorliit  
ataani atsiortumut Naalakkersuisut Siulittaasuannut attuumassuteqartuunersut.

Naalakkersuisut ulloq 18. juni 2008--mi TV Avisen-imi tusagassiortumit  
tunngavilersuutigineqartut imaritinneqartutullu pineqartut eqqoriarsinnaanngilaat.  
Naalakkersuisuniunngitsoq allaniilli oqaaserineqarsimagunartut aamma  
Inatsisartunut ilaasortamit Aleqa Hammond-imit apeqqutigineqartumut  
akissuteqaammi matumani oqaaseqarfigineqarsinnaanngillat.

Aallakaatitamut pineqartumut atatillugu eqqoqqissaartumik oqaatigisimasakka  
pillugit nuutsitsinermik peqanngimmat, pineqartoq pillugu eqqaamasannit  
akissuteqaat tunngaveqartariaqarpoq. Pereersimasoq tunngavigalugu  
eqqoqqissaartumik akissuteqaateqarnissami piumasaaqatigineqartariaqarpoq  
aallakaatitamit allaganngorlugu nuutsitsinermik imaluunniit video-mut immiussamik  
saqqummiussisoqarnissaa.

Eqqaamasinnaasakka naapertorlugit, aallakaatitassiami pineqartumi  
akissuteqaatit saqqummiussani pineqarput Inatsisartunut ulloq 2. juni 2009-mi  
qinersinermi Inuit Ataqatigiit qinigaarujussuarlutik ajugaanerannut suut  
pissutaanersut. Isumaqarpunga tassunga atatillugu oqaaseqarsimassallunga  
qinersisartunit suut tunngavigineqarsimanersut, soorlu tamakku  
qinersinngitsiarnermi qinersisoqariitsiarneranilu tusagassiutitigut  
issuarneqarsimasut.

Tusagassiortup apeqquteqaataanut atatillugu oqaatigineqarpoq, innuttaasut  
kissaatigigaat nunami aqutsisutigut nutaaliortoqarnissaa, tassami sivisuumik  
tusagassiutitigut malinnaavigineqarsinnaammata kammalaatersorneq pillugu  
suliat aamma aqutsisuusut ajornartorsiuteqarnerat Nunatta karsiani aningaasaatit  
aamma inuttut nammineq aningaasaatit akornanni immikkoortitsisinnaanissaq.

Isumaqarpunga pineqartumi tassani oqarsimassallunga, Naalakkersuisunit  
suliniutiginiarneqartoq siunissami kammalaatersorneq pillugu pisuutitsinerit  
pinngitsoortinneqarnissaat ilaatigut aalisarsinnaanermut akuersissutinik aamma

11. september 2009  
Sags nr.  
2009-020122  
Dok.nr. 227501

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@gh.gl

pisassiissutiniq agguaaassisarnermi Naalakkersuisunut attuumassuteqanngitsumik isumaginnittartussamik pilersitsinikkut.

Inussiarnersumik inuulluaqqusilluta

Kuupik Kleist